

TRADITIONAL RIGHTS COURT
REPUBLIC OF THE MARSHALL ISLANDS

MARSHALLS ENERGY COMPANY, INC.)	CIVIL ACTION 1998-194
)	CIVIL ACTION 1998-044
Plaintiffs,)	(Consolidated)
)	
vs.)	
)	
NEIMON ERBIN, ORDER LANI, LUKE LANGTIR, BETTY TIBON,)	
)	
Defendants.)	
		<u>LEMNAK IN UAK</u>
)	
LUKE LANGTIR & BETTY TIBON,)	
)	
Plaintiffs,)	
)	
vs.)	
)	
ORDAR LANI, TINA JORKAN & PODRIK LOMAE,)	
)	
Defendants.)	

Ro uan Panel eo an Traditional Rights Court (TRC) im rar ronjake Case kein rar Associate Judge Berson Joseph, Associate Judge Billiet Edmond, im Chief Judge Riley Albertter eo im ear komane ien ronjake ko. Ran ko im ronjake kein rar komman rar jen May 16-18, 2001 im jikin eo im ronjake kein rar komman ie ej ilo Courthouse eo ilo Uliga, Majuro, Marshall Islands.

1) KAJITOK KO RAR ITOK IMAN TRC BWE EN UAKI REJ ELEJRAK

EINWOT IN:

A) BETTO ej kain iim rot in Imon Bwij ke ak Kabijuknen ke ak Imon Ninnin? UAK eo ej imon Bwij ak Kabijuknen.

i) Non kemeleleiklok wot jidrik bwe mwin ear imon Bwij eo an Libetto im ej imon wot bwij in.

B) Ewi wewin joleti maron ko ilo imon Bwij? Uak eo ej jen jined.

i) Nan kemeleleik uak in, jolet maron ko ilo imon Bwij jej joleti jen ro jined kinke bedbed in manit eo ej Jined.

C) Ewi wewin jolet maron ko ilo imon Ninnin? Uak eo jen jemed.

i) Nan kememeleik uak in, elane juon emman ej ekajriri juon ajiri im ej kajolete kin jikin inem jikin in an ej imon Ninnin.

D) Juon lease emaron ke wor kitien elane ro rej kabwijer maron rej jab sign? Uak eo eban weppen.

i) Non kemeleleik uak in ilo Article X, Section 1, Subsection 1 in Jemen-Ei eo ej kalikar wewin.

E) Won ekkar bwe en kabwijer maron ko an Alap im Dri-jerbal ion Betto? Uak eo Neimon Erbin (Ertin) im Tina Jorkan.

i) Neimon Erbin (Ertin) kinke ej nejin kora im Tina Jorkan ej nejin emman.

6) DRI-KAMOL RO AN DRI-ABNONO IM JIKIN JOKWE KO AER:

a) Luke Langtir, Rita Village, Majuro Atoll

7) DRI-KAMOL RO AN DRI-JUMAE ABNONO IM JIKIN JOKWE KO AER:

a) Langlin Alik, Laura Village, Majuro Atoll

b) Order Lani, Jaluit Atoll

8) MENIN KAMOL KO RAR JAKIMANTAK ILO CASE IN IM EMOJ AN COURT

BUKI:

- i) Plaintiffs' Exhibit 1 - Menmenbwij eo an Litarmouj ak Dri-Loboren Jowi
- ii) Defendants' Exhibit 1 - Lease eo an MEC
- iii) Defendants' Exhibit 2 - Melim in Jonok
- iv) Defendants' Exhibit 3 - Land Use Agreement
- v) Defendants' Exhibit 4 - Consent to Assignment
- vi) Defendants' Exhibit 5 - Mobil Lease Agreement
- vii) Defendants' Exhibit 6 - Addendum to Mobil Lease Agreement
- viii) Defendants' Exhibit 8 - Menmenbwij an Libetto – (Erroja Jowi)

9) WEWIN AK MEN KO JET REJ AIKUIJ BAR ALIKAR:

1) Ilo menmenbwij eo an Rilobaren (P.Ex. 1), mene ej kalikar bwe jar kein rej juon wot, ijo wot ke ejellok wewein eo im Menmenbwij in ej kalikar bwe Betto ej imon Rilobaren.

2) Ilo Menmenbwij eo an Erroja im ej (D. Ex. 8), ej lukun kalikar bwe Betto ej imon Bwijin Erroja kinke etto, nan bobrae jabrewot bo-ok renaj jarjar ak bar juon nan kalikar lukun armej eo ej jolete juon iim, ekka an dri-etto ro likit etan juon bwe en et-nake weto eo. Enin ilo menmenbwij in, jej lo bwe Dri-jumae Abnono rein rej jolete Betto kinke jibwier, Lijane, ear jolete mwin jen jinen, Libetto, eo im etan ej ETAN JITDAM

3) Iroiylablab Kabua Kabua einwot juon eo ear drik im rittolok ion Jebwor im einwot juon eo ear Komja ilo ien ko an Dri-Japan, ejelok berre bwe elaplok an melele kin ijin, Betto. Kin menin, unin an kar kile Neimon Erbin im Order Lani ej kinke elab melele ko iben.


4) Ej aikuij bar alikar bwe JUON WOT EO JINEN LIJANE JEN LONAR. Libetto ej jinen Lijane.

Kin menin, lali aoleben menin kamol ko, Court in an Manit (TRC) ej wonmanlok wot im kwalok LOMNAK in an bwe ejimwe im jejjet bwe DRI-JUMAE ABNONO ro rej erro rej jolete maron ko ion Betto ilo Jebwor, Jaluit Atoll.


Komane im Jaini ilo rainin ^{June} ~~May~~ 5, 2001.



RILEY ALBERTTER
Chief Judge, Traditional Rights Court
Republic of the Marshall Islands



BERSON JOSEPH
Associate Judge, Traditional Rights Court
Republic of the Marshall Islands



BILLIET EDMOND
Associate Judge, Traditional Rights Court
Republic of the Marshall Islands

FILED

JUN 02 2001


**ASST. CLERK OF COURTS
REPUBLIC OF MARSHALL ISLANDS**